



Broj: 01/6-50-3-6-5/15  
Veza br. 01-02-1-1032/16  
Sarajevo, 28.4.2015.



BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
S A R A J E V O

PRIMLJENO: 19.04.2016			
Organizaciona jedinica	Klasifikaciona oznaka	Redni broj	Broj priloga

**PREDSTAVNIČKI DOM PSBIH**

Na osnovu čl. 32. i 49. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Komisija za ostvarivanje ravnopravnosti spolova je, na 10. sjednici, održanoj 18. aprila 2016., razmotrila i Predstavničkom domu dostavlja

**MIŠLJENJE**

o Prijedlogu zakona o izmjenama i dopunama Izbornog zakona Bosne i Hercegovine,  
predlagača Borjane Krišto, Hazima Rančića i Lazara Prodanovića

Komisija konstatira da je, osim ovog, u parlamentarnoj proceduri i Prijedlog zakona o izmjenama i dopuni Izbornog zakona Bosne i Hercegovine, koje je ova komisija utvrdila i uputila u parlamentarnu proceduru 17.3.2016.

Budući da je riječ o dva prijedloga kojima se uređuje ista materija, Kolegij Doma je, u skladu s članom 106. stav (7) Poslovnika trebao pozvati predlagače da usaglase prijedloge i jedan prijedlog upute u daljnju proceduru.

Do dana održavanja sjednice Komisije, na kojoj je utvrđeno ovo mišljenje, Vijeće ministara BiH nije dostavilo mišljenje, u skladu s članom 106. stav (6) Poslovnika, pa nije bilo poslovničke mogućnosti da se u dnevni red 28. sjednice Predstavničkog doma uvrste oba prijedloga, već je trebalo uvrstiti samo Prijedlog ove komisije koji je prvi dostavljen Domu, kako je to propisano članom 106. stav (8) Poslovnika.

Kada je riječ o sadržaju Prijedloga zakona iz ovog mišljenja, Komisija konstatira da predlagači nisu poštovali odredbe Jedinstvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14), i to člana 44. stav (2) i člana 44a., koje se odnose na rodno osjetljivi jezik. Ovo neće biti moguće popraviti podnošenjem amandmana.

Komisija smatra lošom formulaciju člana 20. stav (4) Prijedloga (član 4.19. stav (4) Izbornog zakona BiH), kojom se mijenja utvrđeni obavezni raspored kandidata/kinja na kandidatskoj listi za redovne mandate.

Cilj uvođenja obaveznog rasporeda na listama po spolu bio je da kandidatkinje budu vidljivije i time dobiju veću šansu za izbor, te se na taj način počnemo približavati ostvarenju rodne ravnopravnosti u zakonodavnoj vlasti od najmanje 40%.

Prijedlog Interresorne radne grupe je retrogradan i ako se usvoji, mogao bi dovesti do smanjivanja broja žena u zakonodavnoj vlasti, što bi moglo imati dugoročne posljedice, a što je suprotno mišljenju i Venecijanske komisije prema kome u izbornoj godini ne bi trebalo mijenjati pravila formiranja kandidatskih listi jer to može uticati na stabilnost izbornog zakona. Također, Venecijanska komisija smatra da su gender kvote efikasno sredstvo za povećanje broja žena u zakonodavnim tijelima, ali bez utvrđenog redoslijeda na listama ne mogu dovesti do ravnopravne zastupljenosti oba spola. Ako na listama ima 40% kandidatkinja, ali su raspoređene na dnu liste, to može rezultirati da žene uopće ne budu izabrane.

Komisija podsjeća i na zaključak koji je Predstavnički dom usvojio na 27. sjednici prilikom razmatranja Izvještaja Interresorne radne grupe, a kojim se Predstavnički dom opredijelio za zadržavanje sadašnjeg rješenja o rasporedu kandidata u Izbornom zakonu BiH.

Zbog iznesenog, Komisija će insistirati na svom prijedlogu o istom broju kandidata oba spola na listama uz naizmjenično navodjenje, te neće podržati promjene koje se u tom smislu predlažu u Prijedlogu zakona o izmjenama i dopunama Izbornog zakona Bosne i Hercegovine, predlagača Borjane Krišto, Hazima Rančića i Lazara Prodanovića.

  
PREDSJEDAVAJUĆI KOMISIJE  
Mirsad Isaković